


mije wawen en mije laso

jan sitelen la *sona nimi li weka*.

toki inli tan tenpo pini la *jan inwin* li toki pona e lipu ni.

sona open

sitelen ni la nimi mute li pu ala· pu ala la kon nimi ona li lon anpa lipu.

 **o sona e ni**· lipu ni la ijo ike ni li lon.

- jan li utala kepeken ilo.
- wile ala en ken ala la jan ante li uta e jan li toki e wile unpa.
- meli tu taso li lon· meli wan li toki ala· meli ante li pali e ike.

i· **mije laso li kama**

tenpo pini weka la ma inli li ma *apijon*¹.

mije *atulu*² li lawa la ma *apijon* li wawa li pona· tomo suli *kamelo*³ la kulupu li musi a lon tenpo sewi lete· mije lawa *atulu* en meli lawa *konipa*⁴ li poka· jan utala ale ona li poka a· mije *lanselo* en mije *pasipa* en mije *kaleta* en mije *wawen* li suli ona⁵· tomo suli pona la musi kalama li pona wawa· moku soweli en telo nasa kili li mute pona·

kalama a· lupa suli la kon wawa li kama insa· mije suli laso lon soweli tawa⁶ li kama a· ona la «mi utala nimi e mije lawa *atulu*· *si'*⁷ o *kipisi*⁸ weka e lawa mi· suno li sike pini la mi *kipisi* weka e lawa *si'*»· ona li pana wawa e len luka kiwen ona lon supa anpa·

ale li awen· kalama li ala lon tomo *kamelo*· nasin toki sewi la «mije laso o· sina seme» li tan mije *atulu*·

mije laso la «ni la jan ala lon kulupu ni li wile utala e mi anu seme· musi a· mi o weka»· ona li open tawa sike·

taso mije *wawen* li kama sewi tan supa awen ona li *lanpan*⁹ e len luka· «mi a li utala nimi e sina» li toki wawa ona· ona li *monsuta*¹⁰ pilin· taso ona li awen toki wawa tawa mije laso·

¹ *ma apijon* - Albion

² *mije lawa atulu* - King Arthur

³ *tomo suli kamelo* - Camelot

⁴ *meli lawa konipa* - Queen Gwenhwyfar

⁵ *mije lanselo* - Sir Lancelot; *mije pasipa* - Sir Percival;

mije kaleta - Sir Galahad; *mije wawen* - Sir Gawain

⁶ *mije laso* - Green Knight

⁷ *si'* - sina [*lili nimi*]

⁸ *kipisi* - pakala (tu) (kepeken ilo) [*nimi majuna*]

⁹ *lanpan* - jo wawa anu jasima pana anu kama jo [*nimi sin*]

¹⁰ *monsuta* - pilin wawa tan ike ken [*nimi majuna*]

mije laso li pana tawa mije wawen e ilo kipisi li pana lon supa awen e lawa ona· mije wawen li kipisi wawa tan sijelo laso e lawa· lawa laso li tawa supa anpa· kalama ala li awen a lon tomo·

namako la sijelo laso li tawa sewi sin. ona li jo luka tan anpa e lawa laso li wan sin lon sijelo e ona· jan ante ale li mu insa e kon·

mije wawa laso li tawa lawa wawen e luka ona· ona la «suno li kama sike pini la si' o tawa nena ma laso· tenpo ni la mi o kipisi weka e lawa si'»·

mije wawen la «mi o pali a sama toki sina»·

mije laso li tawa weka· mije lawa atulu li oko e mije wawen li ike pilin tan moli ken ona· mije atulu la «sina lanpan e len luka ipi¹¹ la sina o kama a e utala toki ipi»· tenpo ona la nasin utala ma li sama ni·

¹¹ **ipi** - ona [nimi majuna]

ii. **mije wawen li tawa**

suno li kama sike la mije atulu en meli konipa li pana tawa mije wawen e len utala e e ilo kosan¹² e ilo kipisi suli. mije wawen li open e tawa suli ona. ona li tawa kepeken nasin kasi pimeja. ma kasi la ona li utala e monsuta suli e soweli ike mute. wawa sijelo li kama lili pilin. ona li ken ala pini e pali suli ni. taso ona li awen tawa li kama oko e tomo kiwen suli lon insa kulupu kasi.

ona li tawa lupa tomo li awase¹³ kalama e sinpin lupa. tenpo lili la jan suli li kama. «mi mije pesila¹⁴. si' o kama lon insa tomo mi. oko la si' moku ala li wawa lili we¹⁵ si' o moku lon poka mi».

«sina pona a». mije wawen li kama insa tomo li awen lon supa moku. meli pona li kama lon tomo moku. sike len laso li lon sijelo ona.

mije pesila la «ipi li meli olin mi». meli li tawa lon poka ona li moku.

«tenpo seme la mi ken awen lon tomo sina» li toki tan mije wawen.

«suno san¹⁶ la si' ken awen. mi o tawa weka o alasa e moku we si' a o awen lon tomo. mi kama sin lon tomo li pana tawa si' e ijo lanpan mi la si' o pana sama tawa mi e ijo lanpan si'» li toki sin tan mije pesila.

mije wawen la «ni li pona sama tawa lawa mi». ona li lape pona lon tomo namako ni.

¹² **kosan** - awen insa lon weka pakala; tomo/len pona; weka ike/pakala [nimi sin]

¹³ **awase** - luka wawa suli lon tenpo lili; pakala poka kepeken sijelo [nimi sin]

¹⁴ **mije pesila** - Sir Bertilak

¹⁵ **we** - nimi ni li pini e toki wan li open e toki sin [nimi sin]

¹⁶ **san** - tu wan [nimi sin]

iii. **suno nanpa wan lon tomo kasi**

suno sin li kama sin· mije wawen li kama tan lape li oko kepeken lupa e ma la ona li sona e mute lape ona· suno li lon sewi sewi la mije pesila li weka li alasa e moku· tawa suli ona la mije wawen li wawa lili li wile awen lon tomo lape· ona li supa sin·

«si' pilin pona anu seme» li kama tan lupa tomo· mije wawen li oko e meli pona lon lupa· «mije pesila en mi li wile e pilin pona si'· mi sona e tawa suli pini si' la mi wile pana e pilin pona tawa si'»· meli li kama li uta e mije wawen· mije wawen li monsuta lili·

mije wawen la «mi wile ala apeja¹⁷ e sina we taso la mi ken ala uta e sina· mi wile ala apeja e mije sina»· mije wawen li oko e sinpin meli la ona li sona e pilin ike ona· meli li weka tan tomo lili ona·

suno li weka tan sewi la mije pesila li kama sin lon tomo· ona li jo e soweli suli moli· ona li pana tawa jan pali moku e soweli· jan moku li seli e soweli li pana e ona lon supa moku· mije pesila en meli ona en mije wawen li pini moku la mije pesila li toki tawa mije wawen e ni· «si' o awen sona e toki pini mi· mi pana tawa si' e ijo lanpan mi la si' o pana tawa mi e ijo lanpan si'»·

«taso la mi alasa lon tomo ni e ala» li tan mije wawen·

«pilin mi la ni li lon ala» li tan mije pesila· mije wawen li kama sewi tan supa awen ona li tawa mije pesila· ona li uta e mije pesila· mije pesila li toki e ala· tenpo pimeja ale li kalama ala· mije wawen li tawa tomo lape li alasa lape· taso ona li lanpan lape ala.

¹⁷ **apeja** - pilin anpa jaki tan pali ike; ike tawa oko kulupu [*nimi majuna*]

iv. suno nanpa tu lon tomo kasi

tenpo suno sin li kama· mije wawen la wawa lili li lon· ona li lape lili lon tenpo pimeja tan pilin monsuta ona· meli li pini uta e ona la ona o uta e mije pesila. tenpo ale la mije wawen li uta ala e mije· ona li sona ala e pilin ona· mije pesila li ken e lape lon tomo ona li pana e moku· sijelo pesila li suli li wawa· kalama uta ona li wawa a· ken la ona li pona oko tawa meli· taso mije wawen li awen sona ala·

wawa lili ona la mije wawen li awen lon tomo lape· suno li sewi la meli pona li kama sin lon tomo lape· «tenpo suno pini la mi wile pona e si'· taso si' wile ala e pona mi· o kute e ni· si' o weka ala e pona pana»·

mije wawen la «toki unpa sina li pona pana ala· nasin ni la mi o apeja ala e mije pesila»· taso meli li uta tu e uta ona li weka tan tomo lape· mije wawen li awen lon tomo li apeja pilin·

pimeja li kama la mije pesila li kama sin lon tomo· ona li jo e soweli suli moli· mije pesila en meli ona en mije wawen li moku la mije pesila li toki tawa mije wawen e ni· «o pana tawa mi e ijo lanpan si'»·

«mi alasa taso e ni» li tan mije wawen· mije wawen li tawa mije pesila li uta tu e ona· mije pesila li toki e ala· tenpo pimeja ale li kalama ala·

v. **suno nanpa san lon tomo kasi**

suno li kama sin la miye wawen li awen lon tomo lape· wawa ona li awen lili· sona ona la tenpo sike li kama pini lon tenpo lili· ona o tawa nena ma laso la miye laso o kipisi weka e lawa ona· ona li monsuta pilin a·

sin la meli li kama li alasa unpa e ona· taso miye wawen li jasima weka e wile ona·

meli la «si' kama jo ala e pona ni la o lanpan taso e pona pana ni»· ona li weka tan sijelo ona e sike len laso li pana tawa miye wawen· «sike len ni la ale li pakala ala e sina»· pana la ona li uta san e miye wawen· miye wawen la kalama ala li kama· meli li tawa· insa len la miye wawen li linluwi lon sijelo e sike len laso·

pimeja la miye pesila li kama sin lon tomo li pana e moku soweli· ona li toki e «o pana tawa mi e ijo lanpan si'» la miye wawen li uta san e ona· taso sike len laso la ona li toki waleja¹⁸ e ala· miye pesila la kalama ala li kama·

vi. **nena ma laso**

suno sin li kama· miye pesila en meli ona la miye wawen li toki e pona· pilin ona li ike mute· moli ken ona la ona li monsuta· toki ala waleja sike len la ona li apeja·

¹⁸ **waleja** - ijo suli lon tenpo toki; kon toki; suli tenpo; toki poka lon tenpo [nimi sin]

ona li tawa kepeken nasin kasi li kama ete ona· ma ete la supa kasi suli li lon· ma laso ni la nena wan taso li lon· «toki tan mije laso la ni o nena ma laso»· mije wawen li kama lon ona li oko e jan· poka la ona li oko a e mije laso· mije laso li kiki¹⁹ kepeken kiwen e ilo kipisi ona· mije wawen li kama poka a· «sama toki pini la mi kama»· ona li anpa lon supa ma e sijelo e lawa·

«lawa si' la tenpo kipisi li kama»· lawa wawen la mije laso li sewi e ilo kipisi· wawa la ona li anpa tawa lawa e ilo· taso ona li pake· ilo li awase lili taso e selo wawen· monsuta la sijelo wawen li tawa lili·

mije wawen li apeja lili tan monsuta ni la ona li toki kalama e ni· «sina paka tan seme a· o kipisi a e lawa mi»· sin la mije laso li sewi wawa e ilo li anpa wawa tawa lawa e ilo· tenpo ni la ilo li kipisi e selo wawen· taso ilo li pake sin· «sina pake sin tan seme a» li tan mije wawen· taso mije laso li mu musi taso·

usawi²⁰ la mije laso li kama sama mije pesila· «tan seme la si' pana ala tawa mi e sike len laso· moku en tomo mi li pona ala tawa si' anu seme· a a»·

ni la mije wawen li kama sona e ni· mije laso li mije pesila· «mi apeja mute e sina· pakala la mi pana ala sama sina»· ona li awen pilin apeja tan len ona·

«o sona e ni· mi sona ale e len len· ale li pona· si' pini sona ala e wawa usawi mi e wawa meli· waleja ni la si' pali ala e ike»·

«meli lon tomo laso li seme» li tan mije wawen·

«ipi li meli usawi *mokan*²¹· wile ipi la jan tan tomo kamelo li monsuta li kama ala· nasin ni la tomo kamelo li kama anpa· wile mi la jan wawa lon

¹⁹ **kiki** - sama palisa kiwen lili; pini nena wawa; poka li ken pakala tu [nimi sin]

²⁰ **usawi** - wawa nasa; pali sewi kepeken kon wawa [nimi sin]

²¹ *meli usawi mokan* - Morgan le Fay

tomo kamelo li sona e wawa lon· o sona e ni· si' wawa a· kulupu jan mute la
si' ete»· pini toki la mi je laso pesila li weka usawi· mi je wawen li awen taso
lon nena ma·

tenpo kama lili la mi je wawen li open e tawa suli sin ona·

tenpo suli la ona li kama sin lon tomo kamelo· sike len laso li awen
lon sijelo ona· ona li toki tawa ale e pini· «sike len laso ni la mi awen sona e
apeja mi»· jan utala ale li pilin ante· mi je lanselo en mi je pasipa en mi je
kaleta la ona li apeja ala· sama mi je wawen la jan utala ale li open jo a e sike
len laso· ni la mi je wawen o sona e wawa lon ona·